

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA ZAJEDNIČKE POSLOVE
Broj: 10-04-5059/20
Lukavac, 11.11.2020.godine

Na osnovu člana 64. stav (1) tačka a), člana 25., člana 70. Stav 1.), 3.) i 6.) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 10-04-5059/20 od 22.10.2020.godine u otvorenom postupku javne nabavke kancelarijskog materijala, tonera i obrazaca za 2021.godinu, **d o n o s i s e**

ODLUKA
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 10-04-5059/20 od 22.10.2020. godine i Ugovor za javnu nabavku knjiga za evidencije i drugih obrazaca – LOT 3 dodjeljuje ponuđaču „Defter“ d.o.o. Sarajevo, koji je dostavio ponudu broj: 20-10-1/20 od 20.10.2020. godine, za ponuđenu cijenu u vrijednosti od 3.469,81 KM i rokom plaćanja 60 (šezdeset) dana od dana prijema računa kao najpovoljnijem ponuđaču.

Član 2.

Ova Odluka objavit će se na internet stranici ugovornog organa (www.lukavac.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Općina Lukavac je Odlukom o pokretanju postupka javne nabavke broj: 10-02-5021/20 od 28.09.2020.godine otvoreni postupak javne nabavke kancelarijskog materijala, tonera i obrazaca za 2021.godinu, podijeljeno u tri lota. Procjenjena vrijednost javne nabavke bez PDV-a za LOT 3 iznosila je 3.500,00 KM.

Obavještenje o nabavci broj: 719-1-1-61-3-93/20 objavljeno je na Portalu javnih nabavki dana 30.09.2020.godine.

Komisija za provođenje postupka nabavke imenovana Rješenjem broj: 02-04-19-39/20 od 01.10.2020.godine, otvorila je ponude i utvrdila sljedeće:

- da su u predmetnom postupku primljene četiri ponude;
- da nije bilo neblagovremeno primljenih ponuda;
- da su ponude ponuđača „B-ELI-M“ doo Lukavac, „Plan Plus“ doo Zenica, „Defter“ doo Sarajevo, „Maxi Plus“ doo Tuzla kvalifikovane i potpune, odnosno dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a za LOT 3 iznosi 3.500,00 KM bez PDV-a i da je kriterij za dodijelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
- b) Rok plaćanja..... 2 %

Ponuđač „Defter“ doo Sarajeva je u sastavu ponude dostavio Potvrdu Privredne komore Bosne i Hercegovine broj: 08-804/20-1 od 19.10.2020.godine, kojom se potvrđuje da navedena roba zadovoljava uslove za izdavanje certifikata o bh porijeklu sa učešćem BH komponenti preko 50% u ukupnoj cijeni proizvodnje navedenih roba.

Obzirom da ostali ponuđači nisu dostavili potvrdu nadležne institucije za preferencijalni tretman domaćeg traženu tenderskom dokumentacijom, to se ponuda ponuđača „Defter“ doo Sarajevo u svrhu poređenja ponuda umanjuje za 30%.

Ponuđač „Defter“ d.o.o Sarajevo dostavio je prihvatljivu ponudu sa cijenom u iznosu od 3.469,81 KM i rokom plaćanja 60 (šezdeset) dana od dana prijema računa i osvojio 100 bodova, te je u odnosu na kriterij za dodijelu ugovora rangiran na prvo mjesto.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac – Služba za zajedničke poslove, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.


PO OVLAŠTENJU OPĆINSKOG NAČELNIKA
SEKRETAR JEDINSTVENOG ORGANA UPRAVE
(ovlaštenje broj: 02-30-1856/20 od 04.03.2020.godine)
Enes Numanović, dipl.pravnik

Dostaviti:

1. „Defet“ doo Sarajevo
2. „B-Eli-M“ doo Lukavac
3. „Plan Plus“ doo Zenica
4. „Maxi Plus“ doo Tuzla
5. Arhivi